

## Publicaziuns ufficialas dils 16 da fevrer 2024

### Vischnaunca Trun

#### Damonda da baghegiar

**Datum da publicaziun: 16-02-2024**

Potent: Vischnaunca Trun, Via Dulezi 1, 7166 Trun  
Object: Sanaziun dalla via Carmanera (Via Principala – Val Campliun),  
remplazzament della casa da rumien entras in moloc sin las parcelas 1697,  
1932 e 2251 a Campliun.  
Zona: Ulteriur territori communal (UTC)

#### Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastonza communal Trun.

*Administraziun communal Trun*

#### Mortori

Caduff-Petschen Annita, naschida igl 1. d'avrel 1942 e morta ils 10 da fevрer 2024.

Wolf-Hendry Maria, naschida ils 26 da november 1939 e morta ils 8 da fevрer 2024.

*Controlla da habitants Trun*

#### Lectio Divina

Leger la bibla cun cor ed intellectg, moderaziun sur Tomasz. La proxima sentupada ha liug mesjamna, ils 21 da fevрer allas 19.00 ell'aula dalla scola Trun. Il text anfleis en baselgia ni sin nossa pagina d'internet [www.pleivtrun.ch](http://www.pleivtrun.ch).

Beinvegni ein tuts interessai dalla vischnaunca Trun e contuorn.

*Pleiv catolica romana Trun*

## Chor cecilian Trun

### Fiesta da cant 2024 – Nus tscherchein voluntarias e voluntaris

Preziadas convischinas, stimai convischins

**Sonda, ils 15 da zercladur 2024 ha la 46. fiesta da cant districtuala liug a Trun.** L'organisaziun dalla fiesta schai els mauns dil Chor cecilian Trun. Nus spetgein entuorn 900 cantaduras e cantadurs ed aunc in pèr tschien visitadoras e visitaders. Senza igl agid da voluntarias e voluntaris eis ei buca pusseivel d'organisar ina tala fiesta.

Quels dis dat ei da tuttas sorts lavurs:

- lavurs da construcziun, installaziuns, decoraziuns, organisaziun da parcar, lavurs da dismetter, far uorden, schubergiar
- lavurs da restauraziun: survir, cassas, cuschina, stands da maglia

Sch'era Ti ni vus haveis gust ed interess da segidar, lu saveis s'annunziar sut [info@trunconta.ch](mailto:info@trunconta.ch) ni direct tier Gabriela Tambornino. Ton sco pusseivel sespruein nus da risguardar giavischs individuals. Nus dil comite d'organisaziun selegrein da Tia/voss'annunzia ed engraziein gia ordavon.

*Gabriela Tambornino, responsabla pil persunal*

### Cuors fundamental per pescadurs giuvens/entschaviders 2024

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possesur d'aquistar il patent da pescar el cantun grischun ed en l'entira Svizra, nua ch'il «SANA» vegn pretendius. Ils cuosts muntan à frs. 95.— ed includan il gentar cun bubrondas senza il material da scolaziun. Il cuors ha liug:

Sonda, ils 6 d'avrel 2024 en l'aula dalla scoletta a Curaglia.

L'annunzia saveis vus far sut l'adressa [www.anglerausbildung.ch](http://www.anglerausbildung.ch) ni directamein tiel president dall'uniun Placi Flepp 079 406 74 16. Il material da studi anfleis vus sut [www.anglerausbildung.ch](http://www.anglerausbildung.ch).

*Uniun da pescadurs Rein-miez*